

Milijarda KM godišnje ne smanjuje siromaštvo

- Za ratne i neratne invalide u BiH se godišnje izdvaja milijarda KM godišnje.
- Za ratne i neratne invalide u BiH se godišnje izdvaja milijarda KM godišnje.
- Najsiromašnijim 17 posto sredstava, najbogatijim čak 27 posto.

15. SEPTEMBAR 2011 - Iz državnog budžeta se godišnje izdvoji više od milijardu KM za ratne i neratne invalide. Radi se o skoro 200.000 korisnika socijalne pomoći po osnovu ratnih prava, u oba bh. entiteta, dok niko zapravo ne zna tačan broj neratnih invalida u BiH. Prema analizama Svjetske banke, 12,4 posto stanovnika BiH dobija neki oblik socijalne pomoći ili ima neki oblik prinadležnosti. Međutim, socijalna davanja su loše usmjerena, i ne smanjuju siromaštvo. Od novca koji je usmjeren na socijalne kategorije, 17 posto odlazi pojedincima iz petine stanovništva BiH u kojoj su najsiromašniji građani, a 27 posto pojedincima iz dvadesetine ukupnog stanovništva u BiH. S obzirom da invalidnine nisu ograničene drugim primanjima, i ministar ili zastupnik i doktor nauka i trgovac i privatni poduzetnik i nezaposlena osoba primaju isti iznos invalidnine i drugih oblika pomoći. S druge pak strane, pomoć za socijalno ugrožene ili dječiji doplatk su bazirani na potrebama i limitirani su imovinskim cenzusom, u nekretninama ili prihodima.

Prema riječima Damira Mehmedbašića, izvršnog direktora Fondacije CPI "Visok nivo socijalnih davanja u Bosni i Hercegovini je neodrživ, ponajprije zbog toga što se ne isplaćuju onima kojima su namijenjena, nego uglavnom idu u džepove privilegovanih. Osim što se radi o jednoj od najvećih nepravdi u našoj zemlji, neefikasna raspodjela socijalnih davanja predstavlja i prepreku za razvoj "

Dok su iznosi invalidnina isti, bez obzira da li se radi o siromašnima ili bogatima, postoji velika razlika između ratnih invalida koji primaju naknade od 1.000 do 1.800 KM , dok neratni invalidi u RS za tuđu njegu i pomoć dobivaju 41 KM, a u FBiH invalidninu i tuđu njegu i pomoć u ukupnim iznosima između 200 i 600 KM, zavisno od toga u kojem kantonu žive! Svjetska banka je u više navrata predlagala moguće mjere za smanjenje ovih davanja ili barem njihovog boljeg usmjeravanja u smislu bolje vođenih registara i izbjegavanje dvojnih davanja ili redefinisane programa pomoći. Međutim, od toga za sada nema ništa.

Ukupna izdvajanja za ratne i neratne invalide u BIH možete naći na:
<http://www.gdjejelova.ba/?p=288#more-288>

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.

